



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

Broj: 3649/2018

Datum: 05.07.2018. godine.

Na osnovu odrebi člana 18. Zakona o predškolskom odgoju i obrazovanju ("Službene novine Tuzlanskog kantona broj: 12/09, 8/11, 10/13 i 8/18) i člana 53. Pravila javne ustanove za predškolski odgoj i obrazovanje „Naše dijete“ Tuzla broj: 461/2012 i broj:842/2015, a u vezi sa objavljenim oglasom za prijem djece broj: 3024/2018 od 30.05.2018. godine, na prijedlog Komisije za upis djece, direktor Javne ustanove za predškolski odgoj i obrazovanje "Naše dijete" Tuzla dana 05.07. 2018. godine donosi

O D L U K U

o upisu i prijemu djece u Javnu ustanovu za predškolski odgoj i obrazovanje "Naše dijete" Tuzla za pedagošku godinu 2018/2019. godinu

Član 1.

U Javnu ustanovu za predškolski odgoj i obrazovanje "Naše dijete" Tuzla (u daljem tekstu: Ustanova) upisuju se djeca s područja Grada Tuzla u skladu sa kriterijima iz javnog oglasa broj: 3024/2018 od 30.05.2018. godine, počevši od 01.09.2018. godine.

Član 2.

Sastavni dio ove Odluke je spisak primljene djece – tabelarni prikaz po abecednom redu, sa naznakom vrtića - odjeljenja na koje su primljena.

Ukoliko nije bilo moguće udovoljiti zahtjevu korisnika za primarni željeni vrtić-odjeljenje, udovoljeno je prijavljenom alternativnom vrtiću-odjeljenju.

Član 3.

Lica koja se nalaze na spisku obavezna su pristupiti potpisivanju Ugovora o međusobnim pravima i obavezama, počev od 20.08.2018. godine.

Postojeći korisnici usluga Ustanove dužni su izmiriti svoje obaveze po važećem ugovoru do potpisivanja novog ugovora.

Ukoliko roditelji u navedenom roku ne potpišu Ugovor smatrat će se da su odustali od korištenja usluga.

Prilikom zaključivanja ugovora roditelji su obavezni priložiti ljekarsko uvjerenje da dijete može pohađati predškolsku ustanovu ne starije od 3 (tri) mjeseca prije polaska u vrtić.

Član 4.

U obzir nisu uzeti neblagovremeni i neuredni zahtjevi kao i zahtjevi korisnika koji nisu izmirili svoja dugovanja zaključno sa 08.06.2018. godine.

Zahtjevi za upis iz stava 1. ovog člana, kao i zahtjevi korisnika koji nisu obuhvaćeni oglasom, imaju status vanrednih zahtjeva koji će se razmatrati od septembra tekuće godine u skladu sa pozitivno-pravnim propisima i kapacitetima Ustanove.

Član 5.

Ova Odluka stupa na snagu danom donošenja.

POUKA O PRAVNOM LIJEKU:

Podnosioci zahtjeva koji nisu zadovoljni Odlukom komisije mogu uložiti prigovor Upravnom odboru Ustanove u roku od 15 (petnaest) dana od dana objave rezultata.

Molimo stare korisnike da potpisnici ugovora budu oni koji su potpisali raniji ugovor, a u slučaju novih korisnika da potpisivanju ugovora pristupe podnosioci zahtjeva.

Ova Odluka objavljena je na oglasnim pločama Ustanove kao i na Web stranici Ustanove počev od 05.07.2018. godine



DIREKTOR

Sanja Karić
Sanja Karić, dipl. iur.